

開元承平久不爲版籍百役並作賦歛之司數四  
莫相統攝權臣巧吏託進獻爲賊盜者動萬萬計  
故課免於上而賦增於下炎疾其弊乃請爲兩稅  
法戶無主客以見居爲簿人無丁中以貧富爲差  
其田畝之稅則以大歷十四年墾田之數爲準而  
均收之夏稅盡六月秋稅盡十一月歲終以戶賦  
增失進退長吏而尚書度支總焉天下利之炎素  
德元載思有以報之復議城原州節度使段秀實  
謂農事方作不可興功炎怒追秀實爲司農卿又

重修鳳翔縣志

卷之六

雜傳

四十九

以劉晏劾載已坐貶乃出晏忠州用庾準爲荆南  
節度使詎晏殺之朝野側目李正己表請晏罪炎  
乃遣腹心分走諸道聲言宣慰而實自辯言晏往  
嘗傳會姦邪帝自惡之帝聞使中人復其言於正  
己還報信然帝意啣之盧杞秉政罷爲尚書左僕  
射其子弘業賂賂狼籍杞按之並得他過貶崖州  
司馬賜死初炎矯厲志節頗得名既傳會元載忤  
害根中不能自止睚眦必讐果於用私終以此及  
禍唐書本傳

后妃

穆姬者秦穆公夫人晉獻公女晉惠公立使納羣公  
子曰公族者君之根本秦與晉戰獲晉侯以歸穆  
姬聞之乃與太子瑩公子弘女簡璧衰絰履薪以  
迎且告穆公曰上天降災使兩君匪以玉帛相見  
乃以興戎婢子娣姒不能相教以辱君命晉君朝  
以八婢子夕以死惟君其圖之公懼乃舍諸靈臺

列女  
傳

重修鳳翔縣志

卷之六

后妃

五十一

伯嬴者秦穆公女楚平王夫人昭王母也吳入郢昭  
王亡吳王闔閭盡妻其後宮次至伯嬴伯嬴持刀  
曰妾聞生而辱不若死而榮妾以死守不敢承命  
吳王退舍伯嬴與其保阿背永巷門皆不釋兵三  
旬秦救至昭王復君子謂伯嬴勇而貞一列女傳

太穆皇后竇氏父殺仕周爲上柱國嘗曰此女有識  
非凡匹也乃畫二孔雀於屏令請昏者射二矢陰  
約中其目許之射者闕數十皆不合最後高祖至

連發二矢各中一目遂以歸帝

昭成皇后竇氏曾祖抗父孝謹性婉淑循禮睿宗卽

位初爲德妃生元宗及金仙玉眞二公主遂進立

爲后葬靖陵詳舊志作淮

公主

**明**

襄陽長公主太祖第五女下嫁扶風竇毅

義陽公主下嫁竇照

**隋**

重修鳳翔縣志

卷之六 公主

五十一

安成公主文帝長姊下嫁竇榮定

**周**

永嘉公主下嫁竇奉節

遂安公主下嫁竇達

襄陽公主下嫁竇誕

節孝

**明**

周氏豐樂里民焦文友妻夫亡撫遺腹子苦節自守

洪武十七年旌表

張氏劉榮妻年二十夫故守節撫子正統五年旌表

王氏毛雄妻年二十三雄病劇氏籲天祈以身代雄

卒子鸞鸞俱幼氏堅志守節躬紡織事舅姑教子

嚴而有方孀居三十一年二子俱領鄉薦官知縣

正德七年旌表

馮氏生員何慮妻年二十五慮卒遺孤五歲舅姑在

堂氏紡績供養及歿喪葬如禮教子成立

白氏生員王寵妻夫亡守節五十餘年知府匾其門

曰貞烈無雙

重修鳳翔縣志

卷之六 節孝

五十二

劉氏李正芳妻年二十九守節奉姑姑常氏病篤氏

焚香默禱願以身代姑尋愈人以爲孝感所致事

聞旌表

樊氏閻大綸妻年三十而寡守節五十年

吳氏劉啟業妻十六守節以織紡養姑歿喪葬盡

禮卒年七十八申請建坊月給米布仍免其差役

王氏彭彥妻夫亡撫子子復天遺腹生孫媳復改嫁

氏孤身以織紉撫之至於成立

張氏梁來鳳妻張雞山先生女年二十二而寡養孀

姑育孤子慈孝兩盡

田氏田璋女適庠生杜文文早逝氏年十六子孟春

甫兩月教育成立翁姑相繼卒氏竭力以禮殯葬

其兄勸其改適遂終身不登兄門嘉靖中旌其廬

朱氏副千戶郭文妻年十七夫卒撫子成立子亦早

卒媳周氏有遺腹子欲墮之他適朱百方調護郭

氏之宗賴以不墜嘉靖中撫按旌表

周氏庠生王某妻夫亡守志撫子應元方二歲後以

子貴贈孺人

重修鳳翔縣志

卷之六

節孝

五三

袁氏生員楊一麟妻年二十二夫亡無子一女尚幼

氏奉姑養女贅壻承歡年五十一卒萬歷中道憲

旌表

張氏李仲春妻年二十六夫故三子俱幼時有慕氏

之姿容而媒之者氏曰餓死事小况未至餓死乎

無子尚守况三子平矢志教子俱成立萬歷八年

道憲旌表

薛氏百戶翟亮寅妻寅亡氏年二十五遺孤璉甫五

歲氏養姑育子孝慈克盡璉亦早亡無嗣孤苦伶

竹與婦張氏同志守節萬歷八年關西道旌其門

俞氏吳份妻份卒氏年二十八生子山甫四歲氏守

節自誓奉養舅姑舅卒葬祭以禮事姑彌篤冰霜

之操人以爲難萬歷八年關西道督學道俱匾其

門

劉氏高應亨妻夫故氏年二十子女無出勺水不入

口者數日家素貧舍辛茹苦四十餘年

劉氏程大夏妻早寡家貧子幼堂兄逼令易志氏嚙

臂自誓撫孤娶媳生孫遂爲巨族年百餘歲子希

重修鳳翔縣志

卷之六

節孝

五三

舜以孝稱

雷氏三陽里民楊國士妻年十九夫亡遺孤二歲氏

堅苦守節四十餘年教子棻爲邑廩生賦性嚴烈

鄉里稱爲女丈夫

周氏庠生雷某妻年二十夫亡守苦節五十餘年撫

孤成立

貞烈

吳氏楊騰鳳妻崇正七年流寇亂騰鳳被執罵賊遇

害賊退氏殮夫尸畢一哭嘔血而死

譚氏佐陽里生員劉文正妻崇正甲戌為流寇所執

大罵不從賊怒手刃之罵愈厲至氣絕而止

張氏生員李某妻崇正癸未為闖寇所掠賊欲污之

不從罵賊求死賊怒將刀燒紅刺腹中氏猶厲罵

而死

劉氏高家莊高守業妻崇正癸未遇李賊不受辱紿

賊自投井賊怒下之石後三日出屍面色如生

孟氏興濟令王者賓妻國初賀寇變被虜罵賊不屈

路經石河灘氏從馬上撲跌數十次日鼻口齒俱

重修鳳翔縣志

卷之六

貞烈

五五

毀賊怒殺之油坡街夫賓亦罵賊被雷學使旌其

門至今人稱夫婦雙節云

國朝貞烈附

節孝

國朝

程氏舉人王鼎安妻鼎安感明季之變悲憤不食而

死氏年方二十奉養高堂守節歷三十年順治十

三年郡守表其門曰夫義妻貞

何氏王鏡繼妻鏡卒呼天誓守撫夫前妻子女恩義

兼至理家有法門庭肅然長子延楹人庠克繼家

聲

常氏生員苟自新妻夫沒哀毀骨立事翁姑以孝聞

撫育遺孤慈不掩義及長補弟子員守節三十八

年

張氏千總所李齡妻年十九夫亡舅姑老且病二子

方襁褓家赤貧辛勤織紡俯仰無憾舅姑歿喪葬

咸如禮刻像朝夕奉之教二子俱成名守節三十

餘年而卒

王夫豐樂里人未良其妻乾卒氏年二十九遺孤二

重修鳳翔縣志

卷之六

節孝

五六

歲家貧守節備嘗艱苦于文傑以軍功歷守備氏

年八十餘歲卒

張氏楊氏俱運司程雲翼側室程卒張子鍾瑞楊子

毓瑞皆幼二氏矢志撫孤楊卒張撫其子如已出

聞者莫不高之

李氏杜少亭繼室少亭卒氏年三十叔翁欲奪其志

氏志甚欲自刎叔翁駭止撫夫前妻子謂賢如已

出後子果以文名且克盡孝道焉

劉氏生員劉養吾妻養吾臨終絕而復甦謂氏曰適

見吾門有三異人家四字匾額言畢而逝時子棟  
梁方二歲有豪強謀擄其家費備肆侵蝕氏甘心  
苦守紡織教子及生孫即以三異名之後三異果  
登康熙丁丑進士氏孀居三十餘年而卒

王氏太學生汪引量妻引量遊閩中數年不歸氏事  
姑不少怠姑病醫云年老血衰得人血合藥方可  
治氏卽引刀割臂流血升許氏亦不覺痛楚數日  
創平如初姑亦尋愈人以爲至孝所感

李氏朱綬妻綬亡時氏年二十五子女俱幼翁姑衰

重修鳳翔縣志

卷之六 節孝

五七

老家素貧氏勤組織事尊育幼咸取給於十指或  
勸改適氏以死自誓撫子女皆成立

張氏張福妻福臨終囑氏改適氏引刀截髮曰妾願  
知義豈有一身事二夫以爲君辱乎况姑老子幼  
妾將安往矣夫歿紡績事姑不少怠親黨有憐其  
窮苦勸之改適者氏正色曰爾獨不聞我斷髮自  
誓之事乎請勿復言卒撫其子文甲爲邑弟子員  
郝氏太學生趙承先妻承先逝氏痛哭幾絕親戚共  
解之得不死事親以孝撫子以慈有貴族遣媒求

聘氏唾其面麾之使去至年七旬卒子之桂妻劉  
氏亦早寡痛姑苦節同矢栢舟撫養遺孤兩世冰  
操鄉黨嘆服

蒲氏郡庠劉生妻夫亡子女無出嗣一子守節撫養  
後嗣子又亡終無易志

薛氏庠生孫鵬妻夫亡氏年二十一遺孤僅二歲氏  
痛哭絕而復甦者再四旣而撫膺嘆曰與其偕夫  
同逝豈若撫孤成立以承宗祀乎乃勵志苦守教  
子毓英列於庠

重修鳳翔縣志

卷之六 節孝

五八

胡氏庠生強恕妻夫故氏年十九有妊歷五月生男  
翁以氏年少欲令改嫁氏聞之籲天自誓乃弗復  
言氏爲家婦凡中饋勞苦之事率以身先事繼姑  
惟謹姑獨鍾愛氏而妯娌亦無間言

王氏武生李增廣妻增廣戰死氏年二十上無翁姑  
下艱菽水晝親南畝夜勤女工教育二子國楫國  
梅先後八泮夫妻貞烈遐邇稱揚撫籓郡邑俱匾  
其門

崔氏生員劉繼南妻夫故氏年甫十八家貧紡績自

給撫遺腹子餘惠教之成立爲郡廩生苦節歷三十年

崔氏彭程妻年三十五夫故遭賀寇焚掠家資蕩盡

四子一女俱幼氏紡績訓子更新化新命新俱以

買事成家鼎新成明經諸孫爲貢監弟子目者累

累不絕人以爲苦節之報

趙氏劉暹妻年二十而寡遺孤宏績方數歲教之讀

書入庠食餼出貢氏守節四十八年

李氏生員袁有熊妻年十八而寡無出側室生子軾

重修鳳翔縣志

卷之六

節孝

五九

氏曰妾子即吾子也教之入成均氏卒守節三十

餘年

徐氏彭雲衢妻相夫治家以孝友著聞夫卒守節訓

子其後振世爲郡庠生福世爲邑庠生歷節四十

年

李氏彭雲冲妻年未三旬夫故有暹氏再適者氏矧

面斷髮誓貞節操年八十三卒

李氏生員彭嘉世繼妻夫前妻于汝翼方數月撫如

已出年二十八夫亡矢水藥者三十餘年

雪氏翰林檢討盧熙妾盧典試滇南歸卒旅邸妻子復相繼歿雪年甫二十取本宗子立嗣以主喪葬

守節二十五年

雪氏舊志作薛氏誤

王氏逸其夫夫死氏幼子方數月家貧無依氏甘苦

身任事繼姑以孝養幼子成立苦節見稱於鄉黨

任氏儒童陳侃妻年十七適侃二年夫故遺孤未及

三月氏以襁兒不忍自死遂茹荼飲水紡績教子

康熙五十七年郡守甘表其門曰冰霜貞操

嚴氏辛化里民白孕樸妻年十七歸白越八載夫死

重修鳳翔縣志

卷之六

節孝

六

氏雖農家婦事姑盡孝教子有方年七十三卒雍

正四年旌表

李氏監生盧傳第妻氏年十四適盧甫六載夫病脾

氏躬親浣濯藥餌飲食皆手進夫卒氏絕食數日

翁姑強之淚泫泫下曰本欲從夫地下奈親老子

幼何遂勵志堅守撫子女恩勤備至雍正四年旌

表時年六十六歲

白氏張鈞妻年十七歸張越六載張病臨終囑氏曰

吾親未殯吾子在抱死不瞑目矣氏飲泣不能言

及鈞亡備嘗艱苦積十指所得爲舅姑營葬具課  
子撫姪守節三十七年雍正四年旌表

甄氏楊徽猷妻歸三載而楊歿氏既少寡乃屏脂粉

不御堅持志節以禮自閑非歸寧未嘗踰中門一

步家人皆敬畏之舅早歿事其孀姑姑不覺其子

之亡也及歿喪葬如禮雖蔬羹必祭必誠雍正四

年旌表

程氏張必迴妻迴歿氏年二十二奉養翁姑不愧子

職二老歿喪葬咸如禮撫叔教子克底有成年五

重修鳳翔縣志

卷之六

節孝

空

十七而卒雍正四年旌表

杜氏劉鳳妻年十四歸劉少而知禮舅姑早歿哭奠

必誠劉卒家計蕭條氏晝夜紡織課子讀書嚴如

師傅子士穎孫景賢相繼入庠氏守節三十五年

雍正四年旌表

程氏張文星妻年十八歸張克嫻婦道張亡氏年二

十六痛夫幾絕以遺孤方幼堅志誓守年五十餘

卒

李氏程毓瑞繼妻夫病氏禱神求以身代及夫卒氏

年二十八歲躬自勤勞奉孀姑甘旨無缺撫前室

子伊如已出伊亦克勵學行爲明經名士

蒲氏生員劉印坤妻年二十七而寡撫子善世既長

入成均復早亡遺女孫一氏撫養備至卒時年六

十七歲

程氏童生劉爾淑妻適劉甫四載夫故遺子三歲氏

願與夫同死翁姑泣諭曰子亡婦亦亡其若我三

歲孫何遂從翁姑命苦守五十二年其子校入庠

氏乃曰吾可以見爾父於地下矣

重修鳳翔縣志

卷之六

節孝

空

楊氏東湖里民曹司銓妻年十五適曹夫故氏年二

十遺孤甫三月家道貧乏孀姑在堂氏紡績孝養

艱苦備嘗守節二十九年卒

劉氏陳德政妻夫故氏年方十九子幼姑老氏織紉

紡績奉姑育子備歷艱辛守節四十餘年

彭氏玉祥里庠生程文妻夫歿氏年二十遺子正宗

一歲氏欲從死因念子幼親老遂堅志守節歷四

十年壽六十餘子正宗入庠

李氏洪原里民強占鰥妻年十九夫亡遺孤甫週齡

事孀姑撫幼子曲盡艱難後子嗣統成立入太學  
強氏五里民唐化雍妻夫亡氏年十九遺孤二歲翁  
姑年老氏憑紡績養老撫弱苦志三十八年子克  
明成立

陳氏橫渠里民楊起家妻年十七適起家二十三夫  
故姑哭之慟氏跪勸曰婦卽是男姑慟少止及姑  
歿禮葬之厥後其父母憐其年少欲奪其志氏以  
死自誓撫育二子俱克成立鄉黨咸稱節孝

李氏朝陽里處士劉選妻年二十七而寡遺子二並

重修鳳翔縣志 卷之六 節孝 六三

無田產可資氏藉紡績守節撫孤二十餘年憂勞  
成疾卒

王氏仁勝里民劉振家妻夫逝氏年二十六遺子耀

宗甫二歲氏誓不他適撫子成立娶媳畢氏數年

耀宗亦卒畢氏年一十六歲先生一子又遺腹數  
月生一子畢氏亦以死自誓撫子成立鄉黨嘆爲

姑媳雙節

王氏東湖里民李永興繼妻年二十六夫亡子女無  
出永興前妻生子秉醇氏撫如已出誓共生死嘗

流寇搶掠氏百方負避及長爲之娶妻鄭氏生孫  
二俱幼秉醇又亡王氏謂其媳曰守節最難汝自  
裁鄭曰婆婆不能舍其子我安忍棄其子乎遂以  
雙節著聞

孫氏文昌里生員周文彪妻年二十而寡遺子宗泗  
年方五歲又有幼叔文豹一十三歲俱爲撫養延  
師課讀後皆入庠守節四十年卒

王氏庠生蒲瑛妻瑛故氏年二十五翁姑念氏無所  
出欲改嫁氏曰寧死勿他適宗族憐之繼嗣一子

重修鳳翔縣志 卷之六 節孝 六四

氏遂苦守後子永延大興家業皆氏苦守之力也

黃氏平善里民李廷秀妻年二十五夫故遺子二長

方十歲次尚懷抱家素貧翁姑以年少令其改嫁

氏曰親老子幼安忍離側因竭力事親苦心撫子

雍正八年邑令韓匾其門曰松栢同芳

李氏千總所庠生胡學伊妻適伊二載夫故遺腹數

月守節靡他養老育幼歷盡艱辛學憲王匾其門

曰芳閨植節

張氏朝陽里民吳憤妻年二十四而寡生子二長甫

四歲次未免懷家無田產氏以勤勞自任教長子  
廷守經營家計次子廷實出就外傳俱成立壽六  
十八歲卒

邵氏桃原里民劉元康妻夫故氏年二十二遺子瑤  
方二歲氏矢志靡他紡績撫子娶媳白氏數年瑤  
亦病故遺子四三俱幼一尚在娠邵泣謂白曰我  
爲爾夫守寡今爾夫又死汝將奈何白涕泣對曰  
姑爲我夫苦守多年我今生子俱幼焉敢不終姑  
志遂同心撫諸子俱至成立邵守節五十餘年白

重修鳳翔縣志

卷之六

節孝

六五

守節三十餘年學憲王匾其門曰寒松晚翠

劉氏劉師孔女氏夫姓某名宗先早逝氏年二十一  
歲遺二子俱幼同時氏翁亦逝氏夫胞弟夫婦俱  
逝遺子年幼惟有姑年邁失明氏爲扶杖往來一  
飲一食必代爲執箸日用所需惟藉十指紡織撫  
養猶子無異己子後子姪俱成立

周氏三陽里民楊國俊妻年二十九夫故姑老子幼  
氏立志守節事姑育子後娶媳而子又亡僅遺週  
歲孫氏艱辛備嘗使老幼各得其所後孫長生補

弟子員氏壽八旬而終

盧氏寶昌里民楊馨譽妻夫逝遺孤一歲氏年二十  
七誓不改嫁家計貧窮憑十指以度日撫孤子成  
立年踰七旬而卒

吳氏玉泉里民陳鳳妻夫故氏年二十三歲遺三子  
俱幼氏苦志守節以紡績爲營運資孝事孀姑教  
三子俱克成家人稱爲女中丈夫

李氏康家里民杜廷極妻賦性仁孝姑抱病臥牀氏  
傾粧奩以奉湯藥未逾年姑歿越三年廷極亦逝

重修鳳翔縣志

卷之六

節孝

六六

氏年二十一歲遺孤泳甫三月極弟姪俱幼家計  
狼狽氏不畏饑寒守節撫孤夙夜焦勞苦守三十  
餘年

陳氏朝陽里民張省悟妻年二十三夫故家貧無依  
氏撫二歲遺孤兼姪子姪孫俱幼孤氏撫育婚配  
一以身任子可盛娶曹氏生子甫四歲而可盛亦  
亡曹氏誓不改嫁同姑育嬰守志陳氏持節四十  
餘年曹氏持節三十餘年至今子孫昌盛人以爲  
雙節之報云

王氏何漢勳妻年十六適漢勳越一年而漢勳遠賈氏無所依歸寧於伯父永正家歷十有三年而漢勳終不歸乃涕泣曰夫其死耶何氏之鬼不其餒而我將返時永正亦歿其子送歸何氏以從姪爲嗣氏憑女工育子娶媳克至成立年四十而卒

王氏生員吳南謹妻事姑盡孝夫亡氏年二十八家貧守志撫四子皆成立長恒次忻八泮季焮拔貢守節三十八年後以子焮任武威教諭贈孀人

孟氏東湖里駐防朱之琰妻夫故氏年二十七奉事

重修鳳翔縣志

卷之六

節孝

六七

翁姑問寢視膳毫無懈怠日勤紡織備嘗艱難教子漆爲郡庠生漆亦克盡孝道一門之內母慈子孝里人咸欣頌焉

程氏石鼎妻年十九適鼎未十年而夫故遺子必用必義俱幼氏紡績教育二子俱獲成立守節二十八年乾隆四年旌表

石氏張國玠妻年十七適玠故氏年方二十翁姑年老遺孤尚在襁褓氏忍死守節紡績度日事親撫子備極艱辛苦節三十餘年乾隆五年旌表

董氏閻鴻憲妻十六歲歸憲二十六歲夫亡氏拊棺慟絕數次憲在多疾無所出氏力勸夫繼堂姪爲嗣氏提携撫養無異已出後爲娶媳成家先業賴以不墜守節三十四年乾隆六年旌表

程氏李德輝妻年二十三夫故遺子貞幼氏矢志撫孤守節四十三年乾隆十一年旌表

張氏吳廷采妻年十六歸吳方一歲而夫故越兩月而生遺腹子荃氏不畏艱苦撫養成人守節四十二年乾隆二十七年旌表

重修鳳翔縣志

卷之六

節孝

六八

薛氏楊紳妻年二十二而寡翁姑衰老遺子尚未週歲氏栢舟矢志忍耐饑寒事親育子苦節四十一年乾隆二十七年旌表

郭氏庠生李乘勢妻夫故時氏年十九歲姑老子幼艱辛萬狀氏事姑撫孤毫無怠意姑歿殯葬如禮教子文秀名列黌序守節四十二年乾隆二十七年旌表

魏氏庠生衛士品妻年二十一而夫喪遺子二長三歲次一歲零丁孤苦撫之成立守節六十餘年壽

八十而終

李氏平善里民鄭通古妻通古歿氏方十九歲父母以家貧無依欲奪其志氏自縊幾死鄉里救免乃繼一子依以終身苦節四十餘年

魏氏平善里民張希曾妻年二十二而夫歿子廷燾方二歲姑以氏年少欲令改適氏曰媳有老姑幼子忍為此乎遂矢志至六十二歲卒

李氏進士劉自唐妻自唐歿氏年二十七歲子震方八歲家無宿糧氏日夜勤紡績督子讀書於乾隆

重修鳳翔縣志

卷之六 節孝

空允

丙子登鄉薦氏卒年五十九守節三十二年

王氏程可緒妻年二十六喪夫氏矢志撫週歲孤以成立苦節三十餘年現年六十有二

王氏程溥妻溥亡氏年二十三事孀姑撫幼子備歷艱辛守節三十餘年現年五十五歲

楊氏甘遇泰妻歸二載夫歿氏年甫十八乃奉姑勸子克盡孝慈守節三十餘年現年五十四歲

劉氏佐陽里民齊起正妻年二十四夫歿家貧子幼氏飲冰茹蘗者三十餘年

吳氏普閭里民盧廷榮妻廷榮歿氏年二十七歲矢志冰操撫子成立年七十一而卒

謝氏侯豐里民謝從壽妻從壽歿氏年二十一翁姑俱老子幼家貧氏矢志不易苦節三十餘年而卒

馮氏生員杜釗妻年十九適釗甫二載釗亡遺子繼善在襁褓氏上事翁姑下撫幼弱龜勉有無者四十年現年六旬

程氏舉人鄧丕芳妻丕芳以會試卒於燕京旅邸氏年甫十八無所出痛夫故矢志守節遣人赴京搬

重修鳳翔縣志

卷之六 節孝

七

樞管葬盡禮撫姪珙為嗣茹苦四十餘年現年五十有九

張氏翟所周士篤妻年十九夫故遺子正甫三月家貧翁姑老氏立志堅守孝養不怠撫孤成立苦節五十餘年

魏氏劉沛起妻生子永裕六歲沛起亡氏年二十八家徒四壁老姑在堂氏紡織以事姑姑歿殯葬盡禮訓子以義方登歲貢邑宰司鐸皆贈匾額壽八十三而終

劉氏生員鄧珽妻年十九歸珽性柔順敬事舅姑越五載珽歿于文明方在孕氏矢志靡他艱難備歷文明稍長督課讀書夜常紡績以伴子入泮守節三十餘年

關氏劉建極妻性淑慎年二十五而夫逝于方襁褓叔嬸探其去留氏泣曰婦人以節爲貴况翁年老遺孤幼弱媳敢萌異志乎守節三十餘年敬長育幼內外無間言

銜氏王鍾妻年十七適鍾纔四載鍾歿于方二歲姑

重修鳳翔縣志

卷之六 節孝

七

已六旬家寒薄氏奉姑撫子紡績供朝夕夫幼弟少失明亦藉氏養贍苦節歷今三十餘年

張氏桃原里民關啟倫妻年十四適關閱歲生子希聰夫卽得癱疾輾轉牀褥者二年氏竭力侍奉湯藥不解夫亡氏年十八家貧于幼氏奉翁姑撫弱子慈孝兩盡歷今五十年鄉里欽服

鐵氏東湖里監生沙養鱮妻十七于歸事翁姑克孝養鱮亡氏年十九遺孤彥方週齡家計寒微氏矢志堅苦彥復早歿氏撫弱孫飲食教誨俾之成立

現年六十七守節四十餘年

翟氏庠生董炳妻年十六歸炳生一子炳亡氏年二十子復顯始三齡家窮困翁姑相繼歿氏勤紡績以營殯葬母族有誘其改適者氏唾而詈之刻苦訓子慈嚴兼至守節六十二年壽逾八十

劉氏庠生鄧鈺繼室年十四適鄧三載鈺亡戚黨以氏年幼家貧欲奪其志氏截髮誓曰婦人從一而終吾豈忍以存亡異心哉且夫前室子鵬遠已五歲而已復有娠幸生一子吾願足矣已而果誕男

重修鳳翔縣志

卷之六 節孝

七

名鵬遠氏日夜勤女紅以事老育幼拮据終身六十而卒

盧氏史員唐大成妻大成亡氏甫二十三歲子始週齡氏甘貧守志孝奉翁姑翁性嚴急小不如意每加譴責氏終無愠色及歿殯葬盡禮有姪喜會少失父母氏撫之如已出鄉里咸稱

王氏太尉里民陳宗順妻歸二載夫病故氏年二十一哀號欲從死戚黨勸以有遺腹在氏勉應命後果舉子恪氏撫之成立入泮復早夫媳相繼亡遺

孫一歲氏親鞠育備極艱辛矢志四十六年臨歿謂孫曰吾撫兩世孤幸延陳門祀吾今庶可見汝祖於地下矣

王氏石落里民楊遇賢妻遇賢歿氏年廿二遺子天瑞方三歲天鵬方一歲家貧如洗上下無依氏教笄紡績撫育二子成人守節三十九年現年六十有一

戎氏豐樂里民劉德恒妻年十七歸德恒甫一載德恒卒於甘州時翁姑俱垂白家復艱窘氏藉女紅

重修鳳翔縣志

卷之六 節孝

七三

具甘旨翁姑歿殯葬如禮撫遺姪翊讀書入膠庠年五十二卒守節三十四年

鄭氏桃原里民閆正妻正歿氏年二十六家無次丁上有七旬老姑下止數月嬰孩氏誓志不移紡績事姑姑歿營葬如禮後孤兒夭亡乃繼姪為嗣鄉人旌其行

張氏桃原里民淡溪妻年二十二夫亡子京鰲方一歲家式微氏甘勤苦躬織紉以贍教子成立

柳氏普閭里民劉世顯妻年二十二夫故氏哀號躡

踊勺水不入口者數日翁姑勸之曰吾二人衰老爾子又幼宜思後圖氏始勉進飲食孝事翁姑課子建錠勤學業乙酉登鄉薦守節三十六年現年六十有一

吳氏郡庠生劉沼妻事姑克孝年二十三夫歿惟遺一女氏矢志不移取侄生玳為嗣撫育恩勤同已出苦守三十年冰霜如一日

張氏桃原里民周憲惠妻年十九歸憲惠已染疾數年氏奉湯藥不怠事舅姑得歡心夫亡人皆以

重修鳳翔縣志

卷之六 節孝

七四

年幼無子難氏氏獨堅志誓不他適取姪宏緒為已子撫之恩勤邑令金旌之曰潛德幽光

楊氏桃原里民郭喜妻喜亡氏年二十六家計不贍氏甘貧矢志撫二子永固永圖俱克成立

關氏審平里民雒運成妻年十八歸運成一年而夫故時氏方有娠泣與夫訣曰異日生男誓不他適後果生一男氏辛苦紡績以撫之不幸男夭遺一幼孫氏又撫之成立邑令李匾其門口松栢和丸馮氏審平里民雒勤妻年二十一夫亡氏日夜哭泣

誓以身殉鄰里憐其過勸力勸之氏備嘗艱苦撫孤成人

蒲氏桃原里民劉建中妻夫亡氏年二十六子義純甫三歲氏撫之成立苦節數十年壽七十一而卒張氏審平里民雒蓮妻年十九適雒四載而夫亡遺子大受甫數月氏誓無他志撫子成立入國學守節三十餘載現年六旬有餘

王氏朝陽里民徐秉忠妻于歸六年夫逝遺子永甫三月氏哀不欲生念翁老子幼須終夫志因黽勉

重修鳳翔縣志

卷之六

節孝

七五

勤家仰事俯育克盡慈孝今年逾七十鄉黨無間言

王氏興國里民彭效泰妻效泰歿氏年二十一遺子魯服在襁褓氏矢志撫之成立及授室而魯服又天父母以其無嗣欲令再適氏聞言氣絕家人驚救方甦自是日操紡織更撫姪孫以繼夫嗣守節四十餘年

張氏仁勝里民王命德妻年十八歸命德閱五載命德亡翁姑衰老遺子瑗方四歲家窘甚氏悲哀矢

志勤紡織為生活事奉翁姑課育孤子艱難備嘗守節四十餘年

李氏朝陽里民畢朋姜妻朋姜歿氏年一十九子二長登甫二歲次用方彌月氏甘貧立志繼姑因年饑愆翁嫁之氏誓死不從願勤十指供朝夕後姑病十餘年在牀氏事奉無懈色姑歿翁復病氏孝事亦如之人皆稱其節孝年六十五卒

李氏普閭里民周珍妻年十五歸珍閱五載珍亡遺子甫七月氏哀毀骨立以全節自矢家素貧門內

重修鳳翔縣志

卷之六

節孝

七六

無期功親惟繼姑馮氏在馮亦孀居有年常泣謂姑曰姑為翁守媳為夫守翁與夫庶其瞑目矣遂相與撫孤成立

雷氏文昌里民鄭江龍妻年二十夫歿事翁姑生死皆盡禮撫幼子成立備歷艱辛性嚴肅持家不苟子宦長入太學有孫三壽六十七而卒

呂氏邑庠生王太和妻夫亡氏年二十一歲苦心育子守節不移歷節二十九年

李氏普閭里民周梓妻年二十守寡遺子甫三歲時

翁姑俱逝兄嫂亦另鬻氏辛苦備嘗撫子成立

曹氏朝陽里民線國嘉妻年十七適線甫三歲夫亡

遺子經一歲氏勤女工孝姑撫孤守節四十年卒

年六十有二

宋氏韋所生員楊芳妻年十七適芳夫亡氏年二十

二家寒薄氏勤紡績撫二子成立現年六旬有九

關氏翟所劉士秀妻年二十而寡親老子幼家貧無

依氏誓不改適奉親育子孝慈兼盡現年六旬有

七

重修鳳翔縣志

卷之六 節孝

七七

羅氏文昌里生員李登榮妻年十八適登榮甫六載

夫亡遺孤俱幼氏堅守四十三年卒年六旬有七

後二子俱由例入明經

鄧氏文昌里民周子友妻年十九而寡茹荼飲水撫

遺腹子智成立不幸又天又撫孤孫以一身而撫

兩世孤苦節五十四年卒年七旬有三

袁氏文昌里監生李奇燻妻年十九夫亡氏立志守

節撫小叔至成立不歸寧者十餘年

劉氏審平里民王舉妻年二十三夫故子女無出氏

誓不他適繼族姪為嗣方週歲苦心撫育同已出

守節三十二年現年五十有五

田氏李所蘓公選妻年二十六夫亡翁姑衰老二子

俱幼或勸之嫁以死自誓孝親育子教養兼至現

年六十有一

盧氏鄭原里監生楊兆麟妻翰林熙之孫女年二十

二適兆麟三載夫故氏矢志靡他孝奉翁姑守節

三十餘年卒年五旬有九邑令金贈匾曰勁節凌

霜

重修鳳翔縣志

卷之六 節孝

七八

唐氏溫誠嘉妻年二十一而寡茹荼飲水苦節三十

餘年六十歲而卒

吳氏白生貴妻生貴亡氏年二十六遺腹生子選姑

謂之曰吾兒強壯尚不壽此呱呱者安保成立媳

可自為計氏聞言悲號誓以節終歷今四十五年

翟氏朝陽里民畢繼仁妻年二十四喪夫遺二子長

子綸三歲次子緯一歲家貧翁姑未葬氏竭力支

持安厝三棺苦節至八十三歲卒

趙氏太尉里民戴天培妻年二十二夫死無子投環

欲殉者再以救免乃撫堂姪弁爲嗣弁娶妻王氏  
生一子弁復天一門二孀茶苦備嘗趙現年六十  
七王現年三十五

李氏舉人韋恭妻年十九恭亡遺子甫二歲氏痛不  
欲生戚屬勸以姑老子幼且有遺腹在身須善成  
夫志乃忍苦厲節撫二子翼周宗周俱成立卒年  
五十有四歷節三十三年孫文蔚列於序

董氏生員陳偉謨妻偉謨歿氏年二十二米霜自矢  
足不出戶者十年不歸寧者十五年壽八十六而

重修鳳翔縣志

卷之六

節孝

七九

終

王氏玉泉里民陳恕妻年十九喪夫子幼姑老家貧  
窶饗殮莫繼比鄰憐恤歛米麥以周之氏約留旬  
日糧餘出糶易棉紡織終夜勤劬不懈遂漸裕守  
節五十年現年七十歲

任氏玉泉里民馮國才妻國才歿氏年二十八子瑤  
九歲內外無親氏勤苦自持撫子成立現年六十  
一歲

謝氏興國里民李明唐妻年二十二夫亡事翁姑撫

幼子克盡婦道苦節四十餘年

齊氏石必義妻年二十六夫歿慟哭喪明行走必賴  
扶持猶勤紡績以爲仰事俯育計茹苦三十三年  
現年五十九歲

楊氏杏原里民李如栢妻年二十一而寡子甫二歲  
或逼之嫁氏泣且誓曰吾寧就死忍爲此行耶不  
數年子又卒氏哀感行路乃繼姪爲嗣厲節不懈  
現年六十五歲

重修鳳翔縣志

卷之六

節孝

八十

劉氏廩生王秉元妻秉元亡氏年二十四子起周復

周俱孩齡氏栢舟自誓撫孤成立今年屆六旬  
馬氏康家里民劉雲鳳妻年二十而寡子女俱無誓  
不再適撫堂姪越爲嗣苦節四十餘年

李氏馮清妻事夫敬謹夫疾臥牀半載氏竭力事奉  
湯藥及歿哀不欲生以子俱幼乃茹苦撫之成立  
年六十七而卒守節三十餘年

杜氏侯守疆妻年二十三而寡甘貧守節歷事三繼  
姑皆得其歡心人以爲難現年六十一歲

唐氏朝陽里監生毛大鵬妻年二十三夫歿遺二子

長四歲次乳哺孀姑袁老氏以紡績供養至姑歿  
喪葬盡禮今次子入膠庠長子列成均氏現年六

十一歲

歐陽氏德政里民馬興漢妻夫歿氏年二十一遺子  
周歲零丁孤苦氏獨堅貞自持勤織紡撫孤成立  
守節四十年壽六十五而卒

王氏朝陽里民許爾毅妻年十八而寡遺孤方一歲  
姑逝翁老戚屬慮其難守有勸嫁者氏泣曰我寧  
爲失節人乎矢志不移奉翁撫孤孝慈曲盡邑令

重修鳳翔縣志

卷之六

節孝

全

謝給匾旌之

裴氏橫渠里民許爾英妻夫亡氏年二十遺二子俱  
幼家無期親無田產與孀姑年氏共勤織紡撫幼  
子至成立現年五十有九鄉里表其門曰節凜冰

霜

趙氏貢生鄧特芳繼妻年二十夫亡子女無出繼姪  
爲嗣恩勤撫養不幸而夭又繼姪孫撫至成立守  
節三十五年零丁孤苦見者酸目

張氏翟所曹進孝妻年十九夫故氏遺腹生子家赤

貧刺骨茹荼晝夜紡績撫孤成立苦守三十八年  
而卒

梁氏文昌里民晏克卿妻年二十六夫故氏絕粒三  
日孀姑不暇哭子撫氏悲號苦勸氏方省以奉姑  
育子爲已任憑女工爲活計終歲食貧而俯仰無  
缺姑歿殯葬盡禮子長婚娶俱出手資年八十一  
歲無病而卒

薛氏更名里民楊梅妻外委把總楊孝母也年二十  
八而寡值郡奇荒人多逃竄遺孤啼饑家惟有石

重修鳳翔縣志

卷之六

節孝

全

磨一盤氏指以自慰曰是吾母子生路也席捲敝  
衣典錢易麥日竭蹶於磨中白麪作餅出賣黑麪  
存以自啖撫子成立守志二十四年年五十一而  
歿

徐氏申都里民郭繼昇妻夫亡氏年二十二遺子陳  
娃三歲雙目失明氏晝耕夜織撫三歲瞎子辛苦  
四十餘年

李氏仁勝里民禮越妻年十九夫卒撫遺腹男振家  
成立至授室生子而振家復亡不數年孫又夭乃